

Die restourasie proses. **RENTMEESTERSKAP.**

Elke mens wat in die regte verhouding met God staan, is in sy wese besig, met betrekking tot alles wat sy lewe behels, met 'n DIENSKNEG LEWE.

Om dienskneg van God te wees moet Jesus se heerskappy in plek wees in my lewe.

Rentmeesterskap is om dit wat God aan my toevertrou so te bestuur en aan te wend dat ek met blydschap daarvoor rekenskap kan gee teenoor Hom wat dit voorsien.

Begrippe wat te doen het met Rentmeesterskap:

- “PAIS” = Kind en Dienskneg

Joh 1:12 “Maar almal wat Hom aangeneem het, aan hulle het Hy mag gegee om kinders van God te word, aan hulle wat in sy Naam glo;”

- “OIKOS” = Huis

Efe 2:19-22 “ So is julle dan nie meer vreemdelinge en bywoners nie, maar medeburgers van die heiliges en huisgenote van God, ⁽²⁰⁾ gebou op die fondament van die apostels en profete, terwyl Jesus Christus self die hoeksteen is, ⁽²¹⁾ in wie die hele gebou, goed saamgevoeg, verrys tot 'n heilige tempel in die Here, ⁽²²⁾ in wie julle ook saam opgebou word tot 'n woning van God in die Gees.”

- “OIKONOMOS” = Bestuurder of Huis heer

Luk 12:42 “En die Here antwoord: Wie is dan die getroue en verstandige bestuurder wat die heer oor sy diensvolk sal aanstel om hulle rantsoen op tyd te gee?”

- “OIKODOMES” = Opbou

Rom 15:2 “Want elkeen van ons moet die naaste behaag met die oog op wat goed is tot stigting.”

In die Bybel kom die volgende soveel keer voor:

- | | | |
|-------------------|---|------------|
| • Geloof | – | 218 verse |
| • Redding | – | 215 verse |
| • Rentmeesterskap | – | 2084 verse |

Waarom is daar soveel aandag gevestig op rentmeesterskap in ons verhouding met God?

Ons is verteenwoordiger van God op aarde. Dit beteken om namens Hom op te tree.

Ons het dieselfde opdrag en roeping as Jesus.

Joh 17:18 “Soos U my gestuur het in die wêreld, het Ek ook hulle in die wêreld gestuur.”

Die oikonomos dien beide die Heer en die huishouding.

Is jy Eienaar of Bestuurder?

Alles wat ek het behoort aan Hom en kom van Hom.



1Kro 29:10-16 “En Dawid het die HERE geloof voor die oë van die hele vergadering, en Dawid het gesê: U sy geloofd, HERE, God van ons vader Israel van ewigheid tot ewigheid ⁽¹¹⁾ Aan U, HERE, kom toe die grootheid en die mag en die heerlijkheid en die roem en die majesteit, ja, alles in hemel en op aarde; aan U, HERE, kom toe die koningskap en die selfverhoging as Hoof oor alles. ⁽¹²⁾ En die rykdom en die eer kom van U, en U heers oor alles; en in u hand is krag en mag, en in u hand is dit om alles groot en sterk te maak. ⁽¹³⁾ En nou, onse God, ons loof U, en ons prys u heerlike Naam. ⁽¹⁴⁾ Want wie is ek tog, en wat is my volk, dat ons in staat sou wees om sulke vrywillige gawes te skenk? Want dit kom alles van U, en uit u hand het ons dit aan U gegee. ⁽¹⁵⁾ Want ons is vreemdelinge en bywoners voor u aangesig soos al ons vaders; ons dae op die aarde is soos 'n skaduwee, en daar is geen verwagting nie. ⁽¹⁶⁾ HERE onse God, hierdie ganse rykdom wat ons berei het om vir U, vir u heilige Naam, 'n huis te bou--dit kom uit u hand en dit behoort alles aan U.”



DIE VRAAG IS NIE HOEVEEL EK VAN WAT MYNE IS, VIR GOD MOET GEE NIE, MAAR HOEVEEL VAN WAT GOD S'N IS, EK TERUG HOU.

Waaroor is ons aangestel?

1) God se skepping

Gen 1:28 “En God het hulle geseën, en God het vir hulle gesê: Wees vrugbaar en vermeerder en vul die aarde, onderwerp dit en heers oor die visse van die see en die voëls van die hemel en oor al die diere wat op die aarde kruip.”

Psa 24:1 “'n Psalm van Dawid. Die aarde behoort aan die HERE en die volheid daarvan, die wêreld en die wat daarin woon;”

2) God se koninkryk op aarde

Heb12:28 “Daarom omdat ons ‘n onwankelbare Koninkryk ontvang, laat ons dankbaar wees, en so God welbehaaglik dien met eerbied en vrees”

3) God se beeld en gelykenis

Gen 1:26 “ En God het gesê: Laat Ons mense maak na ons beeld, na ons gelykenis, en laat hulle heers oor die visse van die see en die voëls van die hemel en die vee en oor die hele aarde en oor al die diere wat op die aarde kruip.”



1Kor 6:19-20 “Of weet julle nie dat julle liggaam ‘n tempel is van die Heilige Gees wat in julle is, wat julle van God het, en dat julle nie aan juiself behoort nie? ⁽²⁰⁾ Want julle is duur gekoop. Verheerlik God dan in julle liggaam en in julle gees wat aan God behoort.”

3.A. “My” liggaam

Rom 12:1 “Ek vermaan julle dan, broeders, by die ontferminge van God, dat julle jul liggame stel as ‘n lewende, heilige en aan God welgevallige offer dit is julle redelike godsdiens.”

3.B. “My” gawes

1Pet 4:10 “Namate elkeen ‘n genadegawe ontvang het, moet julle mekaar daarmee dien soos goeie bedienaars van die veelvuldige genade van God.”

3.C. “My” besittings

Hand 4:34 “Want niemand onder hulle was behoeftig nie; want almal wat besitters van gronde of huise was, het dit verkoop en die prys van wat verkoop is, bring en aan die voete van die apostels neergelê.”

3.D. “My” geld

Mat 25:15-18 “En aan die een gee hy vyf talente en aan die ander twee en aan die ander een, aan elkeen na sy vermoë; en hy het dadelik op reis gegaan. **(16)** En die een wat die vyf talente ontvang het, het daarmee gaan werk en vyf ander talente gewin. **(17)** Net so het die een wat die twee ontvang het, self ook twee ander verdien. **(18)** Maar hy wat die een ontvang het, het in die grond gaan grawe en die geld van sy heer weggesteek.”

3.E. “My” tyd.


Efe 5:15-17 “ Pas dan op dat julle nougeset wandel, nie as onwyse nie, maar as wyse; **(16)** en koop die tyd uit, omdat die dae boos is. **(17)** Daarom moet julle nie onverstandig wees nie, maar verstaan wat die wil van die Here is.”

Soveel as wat ek kan hanteer.

Ek sal nooit ontvang bokant my vermoë nie, maar volgens wat ek kan hanteer



Mat 25: 14-19 “Want dit is soos 'n man wat op reis wou gaan en sy diensknegte roep en aan hulle sy besittings toevertrou. (15) En aan die een gee hy vyf talente en aan die ander twee en aan die ander een, aan elkeen na sy vermoë; en hy het dadelik op reis gegaan. (16) En die een wat die vyf talente ontvang het, het daarmee gaan werk en vyf ander talente gewin. (17) Net so het die een wat die twee ontvang het, self ook twee ander verdien. (18) Maar hy wat die een ontvang het, het in die grond gaan grawe en die geld van sy heer weggesteek. (19) En ná 'n lang tyd het die heer van daardie diensknegte gekom en met hulle afgereken.”



Ek sal nooit hoef rekenskap te gee vir wat ek nie ontvang het nie maar van elke detail wat ek wel ontvang het.

Mat 6:24 “Niemand kan twee here dien nie; want òf hy sal die een haat en die ander liefhê, òf hy sal die een aanhang en die ander verag. Julle kan nie God én Mammon dien nie!”

Volgens Mat 6:24 kan elke mens net een God aanbid.

GELD IS 'N TASBARE, MEETBARE SUBSTANSIE WAT JOU TOTALE LEWE BETREK

God se toets of ek Rentmeesterskap begryp, behels dit wat ek doen met die besteding van my inkomste.

- Tiende en die wet.
Die beginsel van tiende was van toepassing lank voor die wet ingestel was.

Gen 14:20 “ En geseënd is God, die Allerhoogste, wat u vyande in u hand gegee het. Toe gee hy hom die tiende van alles.”

Gen 28:22 “En hierdie klip wat ek as gedenksteen opgerig het, sal 'n huis van God wees, en van alles wat U my gee, sal ek aan U sekerlik die tiendes afstaan”

- Tiende en eerste vrugte

Spr 3:9-10 Vereer die HERE uit jou goed en uit die eersteling van al jou inkomste; ⁽¹⁰⁾ dan sal jou skure vol word van oorvloed en jou parskuipe oorloop van mos.

- Tiende en die kerk



Mal 3:8-10 Mag 'n mens God beroof? Want julle beroof My, en julle sê: Waarin het ons U beroof? In die tiendes en die offergawe. **(9)** Met die vloek is julle belaaï, en tog beroof julle My, julle, die hele nasie! **(10)** Bring die hele tiende na die skathuis, sodat daar spys in my huis kan wees; en beproef My tog hierin, sê die HERE van die leërskaar, of Ek vir julle nie die vensters van die hemel sal oopmaak en op julle 'n oorvloedige seën sal uitstort nie.

SKATHUIS

2Kor 9:6 Maar dink daaraan: Wie spaarsaamlik saai, sal ook spaarsaamlik maai; en wie volop saai, sal ook volop maai.

SAAI EN OES BEGINSSEL TIENDE IS NIE SAAD NIE



Luk 6:38 Gee, en aan julle sal gegee word. 'n Goeie maat wat ingedruk en geskud en oorlopend is, sal hulle in jul skoot gee, want met dieselfde maat waarmee julle meet, sal weer vir julle gemeet word.

SALIGER OM TE GEE

2Kor 9:7 Laat elkeen gee soos hy hom in sy hart voorneem, nie met droefheid of uit dwang nie, want God het 'n blymoedige gewer lief.

MOTIEF VAN GEE

Rentmeesterskap en my posisie in die volgende bedeling

- My posisie van outoriteit en verantwoordelikheid in die hemel staan direk in verband met hoe ek my Rentmeesterskap op aarde uitleef. **Mat 25:14-30**
- Die saai en oes beginsel sal nêrens so streng toegepas word in my lewe as wanneer dit kom by rentmeesterskap nie.
- God is van mening dat as jy met min vertrou kan word is dit 'n bewys dat jy met baie (veel) getrou sal wees. **Luk 16:10**
- God kyk eers hoe jy met ander se besittings te werk gaan voordat Hy jou met jou eie kan toevertrou. **Luk 16:11-12**

Pred 2:25-26 Want wie kan eet en wie kan geniet sonder Hom? ⁽²⁶⁾ Want aan 'n mens wat welgevallig is voor sy aangesig, gee Hy wysheid en kennis en vreugde, maar aan die sondaar lê Hy die taak op om bymekaar te maak en te versamel, om dit dan te gee aan een wat welgevallig is voor die aangesig van God. Ook dit is tevergeefs en 'n gejaag na wind.

